

MuuKanta uápisin

– raavâkirje aalmugjesânân

Kanta



MuuKanta-palvâlusâst tun uáináh jieijâd tiäđuid

MuuKanta lii aalmugjesânáid tárguttum vâldikodálâš netti-palvâlus, mast tun uáináh tiervâsvuodâtiäđuidâd já kuulood meiddei sosiaalpalvâlusâi äššigâstiäđuid. Tun uáináh MuuKanta-palvâlusâst taid tiäđuid, moh tust láá vyerkkejum Kanta-palvâluššáid ađai Kaantan.

Tiäđuh vyerkkejuvvojeh Kanta-palvâlusân, ko tun ášástâlah tiervâsvuodâhuolâttâsâst apteekist teikkâ sosiaalpalvâlusâin. Sosiaal- já tiervâsvuodâhuolâttâs áámmátulmuuh čäälíh tust pajas tiäđuid, ko tun iäláh ovdâmerkkân tuáhtárist teikkâ hoittááh tuu aášijd sosiaalpalvâlusâin tuu jieijâd pargein.

Tun puávtáh ášástállâđ MuuKanta-palvâlusâst meiddei tuu aldaulmuu teikkâ párnáá peeleeest.

MuuKanta-palvâlusâst tun puávtáh

- luuhâđ čälimijd, moh lahtâseh tuu tiipšon
- táttuđ reesept uđâdem
- tärhistiđ laboratorio- já röntgentutkâmušâi puátusijd
- uáiniđ sosiaalpalvâlusâi tiäđuid, moh puátih palvâlusân.
- vuorkkiđ jieijâd tipšomtáátu já orgaanluovâtemtáátu
- vaiguttiđ jieijâd tiäđui kiävtun sosiaal- já tiervâsvuodâhuolâttâsâst.


MuuKanta-palvâlusân siisâ čáládâttâm

Tun puávtáh kevttiđ MuuKanta-palvâlus, jis tust lii syemmilâš persovntubdâldâh sehe miinii čuávuvâš tubdâttâmniävuin:

- nettipaŋkkitubdâlduvah
- mobiilvisásmittem
- persovnkorttâ, mast lii čiegâ

Návt tun čáládâđah siisâ MuuKanta-palvâlusân

1. Čääli laađđâm čujottâsraddalâsân **kanta.fi**
2. Valjii kanta.fi-siijđost teddilempuálu **Čáládât siisâ MuuKanta-palvâlusân**
3. Tun stivrejuvoo **Suomi.fi-palvâlusân**, mii lii almoshaldâttuv noonâ elektronlâš tubdâtemvyehi. Tääł tun puávtáh valjiđ tuu halijdem tubdâttâmvyevi, tego nettipaŋkkitubdâlduvâid teikkâ mobiilvisásmittem.
4. Täärhist tiäđuđid já teddil **Juáđhi palvâlusân**, te tun sirdâšuuh MuuKanta-palvâlusân.
5. Čáládât olgos MuuKanta-palvâlusâst, ko jooskah ton kevttim. Siho loopâst laađđâmhistorjá.



Návt tiätu jotá Kanta-palvâlusâst

Sosiaal- já tiervâsvuodâhuolâttâs áámmátolmooš kirjeet já kiäččá tiäđuid jieijâs tiätuvuáhâduvvâst. Tobbeen tiäđuid vyerkkejeh Kanta-palvâlusân tagarin, ko áámmátolmooš taid čáálá pajas. Jyehi aalmugjeessân puáhtá keččâđ já haldâšid jieijâs tiäđuid MuuKanta-palvâlusâst.



Sosiaal- já tiervâsvuodâhuolâttâs áámmátolmooš čáálá já kiäččá tiäđuid jieijâs tiätuvuáhâduvvâst. Tobbeen tiäđuh vyerkkejuvvojeh Kanta-palvâlusân.

MuuKanta-palvâlusâst aalmugjeessân puáhtá keččâđ já haldâšid jieijâs tiäđuid.

Jis MuuKanta-palvâlusâst uáinimnáál leijee tiäđuin lii feilâ

Jis tun huámmâšah, ete tuu tiäđuin láá feeilah teikkâ vááijuvvuodâh, te vääldi ohtâvuodâ njuolgâ sosiaal- já tiervâsvuodâhuolâttâsân. Jis ovdâmerkkân tun lah iällám tiervâsvuodâkuávdáást, tiäđuid kalga tivvood tobbeen. Jis tun lah iällám priivaat tuáhtársajattuvâst, vääldi ohtâvuodâ njuolgâ toho.

Tun puávtáh vaiguttiđ tuu tiäđui kevttimân

Kanta-palvâlusân vyerkkejum tiäđuh kiedâvušsojeh torvolávt. Tuu tiäđuid pyehtih keččâđ já kevttiđ tuše toh tiervâsvuodâhuolâttâs teikkâ sosiaalhuolâttâs áámmátulmuuh, kiäh tipšoh tuu aasijd. Tiäđuh kiávttojeh talle, ko toh láá taarbâšliih tuu tipšo já ášástállâm keežild.

Tuu tipšoo áámmátolmooš puáhtá keččâđ Kanta-palvâlus peht meiddei tiäđuid, moh tust láá čallum pajas eres tiervâsvuodâhuolâttâs organisaatioin, tego nube pyereestvaijeemkuávlust teikkâ priivaat tuáhtársajattuvâst. Ko tiäđuh joteh áámmátulmust nuubán, te tun uážuh šievšlaajág tipšo ijge ovdâmerkkân tutkâmušâid taarbâš toohâđ mangii.

Tun puávtáh jieš vaiguttiđ toos, mon vijđáht áámmátulmuuh pyehtih kevttiđ tuu tiäđuid. MuuKanta-palvâlusâst tun puávtáh adeliđ love jieijâd tiäđui luovâtem várás teikkâ kieliđ tom. Tun puávtáh ovdâmerkkân kieliđ monnii tiädu sosiaal- já tiervâsvuodâhuolâttâsâst eellim tiäđui luovâtem.

Luovâtemluuvijn tun muštâlah tuu táátu já suovah jieijâd tiäđui luovâtem tuu tipšoo uásipeelij kooskâst. Návt tuu tiäđuh joteh ovdâmerkkân almolâš já priivaat tiervâsvuodâhuolâttâs teikkâ kyevti sierâ pyereestvaijeemkuávlus kooskâst, ko ášástâlah sierâ tipšopaaihijn.

Párnáá peeleešt ášástállâm MuuKanta-palvâlusâst

Huolâtteijee puáhtá ášástállâđ MuuKanta-palvâlusâst vyeliahasâš párnáđ peeleešt. MuuKanta älkkeedit párnáá aášij tipšom.

Tipšoo áámmátolmooš árvuštâl, puáhtá-uv vyeliahasâš meridiđ jieijâš tipšoošt. Nuorâ, kote puáhtá jo jieš meridiđ, uázžu valjiđ, uáinojeh-uv suu tiäđuh huolâtteijei MuuKanta-palvâlusâst. Jis nuorâ ij pyevti jieš meridiđ suu tipšoošt ohtuu, te meid huolâtteijee uáiná nuorâ tiäđuđ, tego tuáhtár čälimijđ já meridum reseptijđ.



MuuKanta-palvâlusâst tun puávtáh ášástállâđ párnáá peeleešt.

Nube olesulmuu peeleast ášástállâm MuuKanta-palvâlusâst

Aldaolmooš puáhtá ášástállâđ MuuKanta-palvâlusâst nube olesulmuu peeleast, jis sust lii toos Suomi.fi-váldásmitem. Váldásmitem puáhtá uázžuđ ulmust, kote ij keevti nettipalvâlusâid teikkâ sust iä lah nettipanjkkítubdâlduvah. MuuKanta-palvâlusâst ášástállâm várás taarbâšlâš váldásmitemh láá

- Tiervâsvuođâhuolâttâs aašij tipšom
- Sosiaalhuolâttâs aašij tipšom.

Nube peeleast puáhtá ovdâmerkkân

- táttuđ uđâdiđ reesept
- keččâđ laboratoriotukâmušâi puátusijđ
- luuhâđ tiäđuđ tiervâsvuođâhuolâttâsâst elimist
- keččâđ sosiaalpalvâlusâi tiäđuđ



MuuKanta-palvâlusâst tun puávtáh ášástállâđ nube olesulmuu peeleast

Kost mun finniim lasetiäđu?

- čujottäsâst **kanta.fi**
- sosiaal- já tiervâsvuođahuolättäs áámmátulmuin já apteekijn.

Savâstâl miiguin sociallâš mediast

 Facebook: **@Kantapalvelut**

 Viestâpalvâlus X: **@Kantapalvelut**

 LinkedIn: **@Kantapalvelut**

Kela paijeentuálá Kanta-palvâlusâid. Kela oovded Kanta-palvâlusâid Tiervâsvuođâ já pyereestvaijeem lájádâssáin já sosiaal- já tiervâsvuođâministeriöin.

MuuKanta-palvâlus lii uási vâldikodálijn Kanta-palvâlusâin já aalmugjesânij uáinus sosiaal- já tiervâsvuođâhuolättäs tiäđoid.